

INTERLINGUA – Communication sin frontieras. Comprensibile immediatamente per un milliardo de anglo-romanofonos ! Apprender linguas es cultura, saper interlingua es evolution. Sito eletronic del UBI: [www.interlingua.org.br](http://www.interlingua.org.br)

## **Commemorations del battalias e le mythologias national Quebec 1759 – 2009**

Le grande battalias del passato es plus memorate a causa de lor mythologias que lor factos actual. Con le arrivata del 250me anniversario le battalia a Quebec in septembre 1759 le mythologia historic continua a affectar le decisiones del presente sur le activitates e programma planate pro su commemoration.

Originalmente le plano del commission cargate pro le programma habeva invisionate un reinactamento del battalia sur le Planas de Abraham inter le armae francese sub le commandamento del Marquis de Montcalm e le armae britannic attaccante sub General Wolfe.

Le ultra-nationalistas quebechese respondeva con menacias de disruptiones si le reinactamento se era tenite malgrado le facto que altere reinactamentos del battalia habeva essite prendite loco in annos recente.

Le historia de Nove Francia non comenciava con le "Habitation" de Samuel de Champlain in 1608 e non finiva ante le muros de Quebec in 1759. Le prime essai del establimento de un colonia francese in Canada era in 1541 e le rendition de Montreal al britannicos non era usque septembre 1760.

Le imagines del mythologia del eventos de 1759 refere al "conquesta" britannic; in realitate Francia prefereva a mantener su colonias in Caraibe pro lor production plus lucrative de sucro que, usante le parolas del philosopho Voltaire a Louis XV, de retener un deserto glacial, i.e., Canada.

Sub le grande Ministro de Louis XIV, Colbert, le vision francese se extende del Rheno al Mississipi, un impertio transatlantic, e con sonios usque a China con le exploitos de La

Salle. Le responsa al marquis de Montcalm pro le reinfortiamientos pro defender Canada per le successor de Colbert era al effecto que si il ha un incendio in le casa (Europa), le prioritare non es le stabulo (Canada). Un cambio de vision se habeva passate in le Guerra de Septe Annos 1756-63.

Le governmento militar britannic post -1760 non era un disastro pro Canada. Le canadianos reteneva le lingua francese, lege civil, e le directos del Ecclesia Catholic roman e frontieras quasi del hodie del provincia per le Acto de Quebec in 1774.

Si il habeva resultatos negative del victoria britannic, terras reservate per le amerindianos in 1763 pro proteger les contra le expansion del colonistas american e le imposition de impostos pro pagar le costos enorme del guerra cuje strategia habeva essite le elimination del menacia francese al 13 colonias american.

Le ver battlia a Quebec se occurreva in decembre 1775 quando le armae del Congresso continental essaiava a prender Quebec per le fortia al nomine del revolution american. Montreal era jam in le manos del americanos. Lor attacco se falliva in le nives de ille ultime nocte de 1775. E Canada remane canadian.

Si on vole commemorara un battalia a Quebec, lo del 1775 deberea esser memorate malgrado le tempore e le nive accompagnante un hiberno canadian. Le canadianos comprendeva que le lingua francese, lor leges, e lor cultura basate del experientia francese in Canada e le ecclesia catholic roman era plus secur in un contexto canadian separate al grande designos de lor vicinos american al sud, e in le theoria futur de duo nationes fundator in loco de esser le 14e colonia american anglophone e revolutionari.

Hodie malgrado le pression es del mundo moderne e le globalisation in anglese, le lingua francese resta forte e vivente e le cultura quebechese exprimate in francese un parte integral del texto canadian.

Pro canadianos francophone le surviventia del lingua e del cultura francese in ille altere colonia francese del epocha de Louis XIV, Louisiana, forni lectiones ubi on non vole esser reducite a un sapor folkloric, e iste sentimento resta sovente al fundo del concernos nationalist pro le surviventia de Quebec como un societate francophone.

Richard Sorfleet, Canada.  
21/02/09

## **INTERCON**

Attention, tote brasilianos e estranieros.  
Necessariamente nos va reunir nor iste anno  
2009, probabilemente in julio o agosto pro  
seliger le nove Directorio e anque realizar un  
nove programma de action.

Nos besonia haber un loco e urbe,  
imediateamente, dunque, usque ora nos  
intende realizar lo hic in Castanhal – PA.

Que pensa vos ? Invia me vostre opinion, ok ?

Nostre amico Gibrail, de Lages, Stato Santa  
Catarina proponeva nostre reunion in Curitiba;  
ma tamen ille non garanti su participation.

## **UBI – União Brasileira pró Interlândia**

[www.interlingua.org.br](http://www.interlingua.org.br)

A UBI é uma associação cultural sem fins  
lucrativos, juridicamente registrada e fundada  
em 28 de julho de 1990. Tem por finalidades  
ensinar e divulgar a interlândia no Brasil.

Redator deste número:

Ramiro B. de Castro

[ramiro.castro@pa.trf1.gov.br](mailto:ramiro.castro@pa.trf1.gov.br)

Fone: (91) 3711—4200.

Informativo oficial da UBI.

Fundado em janeiro de 1990.